

稻香吟館詩藁

稻香吟館詩藁卷三

嘉定李賡芸生甫

嘉慶四年冬

特詔令朝臣密保人才九卿中有以

賡芸

姓名薦者

時戶部左侍郎儀徵阮公署浙撫奉

旨詢問居官何如遂以浙省第一賢員覆奏因

命送部引

見感而賦此

少壯困饑寒經史窺未徧一登進士科卽宰山水縣
本出醉翁門頗繹循吏傳服膺三字碑脫手五花判

六事計尙廉九列密爲薦

特詔用

垂詢外臺亟稱善劇邑勉供職

明廷許引

見

殊恩感淪肌上考汗浹面照影東湖波重勞多士餞

續藤篇

併序

平湖縣齋有古藤一本余以嘉慶初元丙辰

七月杪蒞此盤旋其下見有落英在地仰視

細枝作花三五朶如是不絕至實霜乃止去

年以來老榦時時朽折而夏秋亦不花藤蓋
老矣庚申春余奉

恩命徵入

覲代者將至恐遂遷去亟買穉藤一植其畔而賦此
篇以示邑之賢士大夫俾後有所攷且以見
宜續者之不僅一藤也

古藤之來知何年或云縣後而藤先燕京尙有大德
植此樹或者堪隨肩春時花開最爛漫紫英麗簌枝
翩躚花殘葉茂得美蔭長夏跂腳南窗眠秋來涼夜
影零亂清光不礙蟾初弦霜花乍零葉微脫冬日可

愛精光懸藤之爲功四時備策勛詎讓枿與梗惜乎
歲久花漸減安得終古全其天婆娑生意恐遂盡枯
樹一賦徒生憐我今愛藤爲藤續買得穉者青蚨千
移根仍與老本並如火未滅薪先傳藤應早續續已
晚較之不續差爲賢後之君子好培護三復齊相權
修篇

金霽堂

光烈

吳瓶齋

顯德

張撝菴

躍鱗

饒于東

湖時海鹽楊樵谷

塚

爲畫東湖秋汎圖卷各

賦一詩分韻得汎字

元白擅詩才俗懷多所歉歐蘇富游興塵襟殊自懣

經年勞簿領茲辰得清汎一權任夷猶有風不須驅
秋聲來樹間塔鈴雜清楚身閑境彌曠飲少語不謫
佳會勿遽設古歡豈云泛抗志緬高風千秋惟賀監

畱別邑中諸君子

三秋宰邑兩朝

天治行何能及古賢祇以勤勞平拙政倖將清靜廼

豐年

連歲大稔

敢勞畏壘齊民祝

諸君欲爲余立長生位力辭之

但錄河

梁多士篇珍重依依南浦意鴛鴦湖畔又停船

多有追送

至郡者

鶯脰湖歌

鶯脰湖中春水綠點點桃花流細縠鶯脰湖中秋水
清白蘋零落鱸魚腥春湖秋湖日日好雨蓑煙笠蜻
蜓小只聞欸乃不見人碧雲無際滄波杳

晝發

晝發秀州郭夜泊胥江城胥江月才上城櫓打初更

風小

風小布颿高徐向瓜州渡貪看江南山旣渡重回顧

漂母祠

一軍皆驚拜大將王孫登壇竟不讓躡足附耳以齊
王王齊項羽存王楚項羽滅相君之面只封侯鳥盡

還流鐘室血烏虜王孫王孫果負心一飯未必酬千金

自從

自從京口看山色行過黃河不見山今日篷窗一流盼數痕隱約露煙鬟

初日

初日方升露未晞曉涼吹透一層衣道旁白藕花如雪中有春鉏決起飛

月夜南陽鎮道中放歌

連朝挂颿使順風風利無如今夕美不聞舟子挽纜

邪許呼但有風聲水聲響到耳初更二更曠息閉安
穩行程七十里運河東西有兩隄隄外長湖波瀾瀾
十二之夜月早升湖光受月月在水近看叢柳遠看
山啞啞水禽嘯不止此時天如青銅鏡新磨地如水
銀無點滓廣寒宮闕洞霄天八面空明應類此吁嗟
乎好景人生不易逢冷然絕跡馭天風便應從此乘
槎去耿耿銀繩貫碧空

不憚

不憚舟行滯緣無躁進心北瞻紅日近南望白雲深
纂纂村鄰棗啾啾白樹禽眠琴佇涼月千里想知音

古器四章

劍

三尺波心鑄當年試及鋒德充君子佩功博列侯封
螭彪見猶避將邪今莫逢只愁風雨作飛去化爲龍

琴

待得知音遇其如尾已焦抱之殊落落聽者復寥寥
縱學曲三弄奈無弦七條箏琶方競奏繁響徹雲霄

鏡

天上秦時月流傳直到今曾將雲髻對微覺土花侵
閱世不畱影駭人能照心欲磨塵垢迹負局杳難尋

硯

誰贈陶泓號文房品最珍此生甘洗濯終古杜緇磷
歛識前朝勒銘詞小字勻正惟頑乃壽磨墨又磨人

御河橋

坊額金
龍玉螺

太液煙波一鏡饒無邊秋色

御河橋雨餘楊柳翠如沐風際芙渠香自飄七寶莊
嚴成佛界十洲佳麗傍神霄西京雜事吳均筆鱗甲
鯨魚記動搖

乾清宮引

見蒙

恩擢同知恭紀

綠頭籤進各分班

天語宣來太宰頒名姓書

屏非易冀循良入史最難攀才疏久忝專城重性拙
端宜佐郡閔晉秩也如新得第慈闈聞信定開顏

感舊

憶昔魁禮闈對策

保和殿未聽臚句唱

乾清先引

見進

呈卷十本微倖列其遶東風幾度吹癸止行藏判髯

也

王君蘭芬

赴修文墓草久葱蒨官未挂朝籍曇花紅一

見鄱陽

洪君亮吉

狂負氣西指冰山竄數月卽

賜環

恩綸眞渙汗麻衣返三徑

蔣君祥墀

道遠未馳喧猶記桂

花香煎茶共試院

戊午科君副浙試余忝分校

孟公

陳君希祖

耽夜讀

起沐日恒晏長康

顧君王霖

句金穀暇染鵝溪絹兩君滯

曹司遷秩讓人先徂徠

石君韞玉

吳中豪金榜褒然冠曷

爲乞郡出巴東備攻戰翩翩探花郎家世青箱彥

王君

誠宗

玉尺校中州華資坊局換近日無雙黃

黃君錢

倬直

緋魚粲履聲隨尙書翰墨遊

宸眷我食五斗米三宰浙西縣面目多風塵

觚稜時戀戀重來謁閭闔慙叨九棘薦仰瞻

金銀闕一覲同年面去去不久畱西風送征雁努力
事

清時卿雲旦復旦

昔金川用兵時涪州周文恭公使蜀用杜工部

將赴成都草堂途中有作先寄嚴鄭公五首

韻賦詩今公子侍郎東屏先生亦拜使蜀之

命因念先德爲廢舊章誦罷敬和原韻

文恭公先君子房師

西南幾隊黑雲都諸將紛紛佩虎符兩陝河山從古
壯三巴原野未全蕪香騰蕭柅祠官奉時公充祭告西嶽西鎮江
使濱酒釀蒲桃戰士酤此日重臣巡閱處椎牛端合享
千夫

岳濱懷柔薦澗蘋都亭發軔正初春

兩朝任使謀卿士萬里驅馳慰

聖人本以輶軒巡下國豈將錦繡炫比鄰盡臣承
命憂思切斗覺霜痕點鬢新

亭岩雲棧壓煙溪叱馭寧同七聖迷卿月光依宸極
北使星明到益州西登壇將畧千羊革摩壘軍聲萬

馬蹏早盼甘泉馳露布

恩覃薄海煥金泥

四牡歌來九夏闌長塗卽物感驚湍相如擁傳過橋
柱巢父題詩擲釣竿軍事都憑柔翰白封章頻染
御豪丹諮詢民隱紆

宸慮秉燭郵亭削草難

途中奏疏十餘上
皆手自起草染翰

君恩體恤到纖微

詔許乘輅便道歸小住仍教情戀戀此行真入想非
非田間尙倚耕夫耒巷裏仍鳴織女機才展佳城尋
夙駕駢駢不敢卸征衣

朱孝廉少白

錫庚

招飲賦贈

軒眉榜曰未之思席帽看花憶昔時

公車在京時春日每來此看花

又趁秋風認泥雪新霜久已上吟髭

前年招飲椒花觴扶病來游正落花萍水因緣彈指

頃酒人蹤跡各天涯

座客洪太史禪存成伊犁甫奉赦言比部臬雲出守夔府朱西

曹春海假歸徽州

天街積潦苦沮洳鍵戶常繙梵夾書喬木一庭清蔭

美故應吾亦愛吾廬

上座主韓城先生

黃扉龍首望超超正色巖廊肅百僚前席言爲

天子重同朝道已小人消因籌邊事眉長皺爲感
君恩鬢易凋病起精神仍矍鑠未容歸思寄漁樵

上座主宮保南厓先生

夫子夫子今大賢文章夙比韓歐肩平生亮節衆所
見玉壺冰與朱絲弦使車昔爲遴士出玉尺持到長
江壩礪城散材本樗櫟一遇匠石成梓梗至三至再
荷手植佛說夙世多因緣感恩矢守摩頂戒脂膏久
處身無羶昨承臺符徵到

關更喜函丈容周旋寡營之性自難老豈藉導引求
神仙憶從皖口別鈴閣百廿度閱義娥躋春風之座

隔天末望遠徒覺神魂牽輓紅重踏得握謁忽忽又
唱驪駒篇臨行訓詞比金玉師以慎終如始爲勗并屬善自攝生服膺
弗失常拳拳方今

聖人崇舊學鹽梅調鼎舟濟川想望風采徧天下一
言造剡能回天外人不知好議論芻蕘願守磨兜堅
西師旦曉奏大捷廓清六合無烽煙從容坐論富民
術人盡四輔歌豐年耕田鑿井忘

帝力臯夔勲業鐘鼎鐫彼時門生或可陟郎署暇卽
來侍几杖讐丹鉛

上東屏先生

濟美

熙朝著匪躬憂危具有大臣風登龍兩世吹噓力薦
鶚千秋吐握衷聲在青雲聞自遠詞成白雪和難工
平生知己無窮感扑戴三山意欲同

送元立庭先生

克中

守沅州

先君子鄉薦同年

垂髫曾拜紫髯翁

乾隆辛巳初見先生於鄱陽

卅載

同來踏輦紅勿歎官階淹五馬

先生曾任延建邵道

猶能談笑

卻千熊蠻鄉地接丹砂穴燕寢香生白芷叢待等明

年監試日重聽萃鹿唱歌工

先生辛酉鄉薦明年又辛酉矣

里中故人有覓舉京兆者感賦

小試童年橐筆偕
讓渠先陟泮宮階
誰知久盼仙人桂
不道猶忙舉子槐
樺燭三條燒矮屋
冰輪一片照長街
者番定合新花樣
計聽佳音埃過淮

贈別同年黃主事壹齋鉞時以薦供奉

內廷

同被徵書至輸君

內直榮班聯雖畫省聲價儼登瀛地接三霄迴星占

五緯明

同直之數

身依溫室樹耳聽上林鶯禹貢便蕃錫

堯文次第廣清談
霏玉屑高掌望金莖
指顧影三綬推敲賦兩京
嘉肴千里脯珍饌五侯鯖
東觀人爭妬

西窗客未盈圖書頻鑑別冠蓋罕逢迎高足王摩詰

子卿

孝廉知心范巨卿

鴻臚叔度先生

過從還埽榻晤語比班荆

雁足焚膏錠龍頭煮茗鎗垂簾香篆永染翰墨雲生

波自濺千頃書將擁百城免教嗟短褐未敢照長檠

異地懷朋友同年若弟兄向人都落落持已共硜硜

記自龜溪別

君曾訪余於德清

常虛鯉素烹天涯簪莫盍人

海蓋重傾小住還慙促長途又啟行歌驪方在路逐

雁好分程良夜孤明月清秋快久晴來朝潞河水擊

汰動離情

贈別王孝廉觀齋

澤

王郎擅三絕兩度遊長安昔來肄冑監今來試春官
佇射仲舒策看彈貢禹冠亭亭女牀樹卓立青雲端
瓊瑤作枝葉枝上常棲鸞千仞煙霄迴天風振羽翰
我昔攜席帽與君敦古歡送我出牽絲麝煤染素紈
十年弄巾箱不許俗士觀別離又南行聽鼓去應官
明年西湖畔矯首望蓬巒

憫忠寺弔宋謝文節公

賣卜賣卜陽九百六建陽橋邊端筴啟櫝強之入燕
豈其意亦辦存仁與取義柴市街鄰憫忠寺憫忠寺
首陽山采薇節追殷頑

麥苗

江南八月秋田禾尙棲畝燕趙麥田苗青青如早韭

天津

清濁雙流郭外分通衢冠蓋也如雲及瓜符節期三

日

聞易巖使
三日可到

列棘弓刀駐一軍

設有
總鎮

閩客颿來乘巨

浪漁人網集映斜曛近畿赤縣誰何切鈴櫟終宵枕

上聞

但擁牢盆富可求繁華約畧小揚州舞衫歌扇千金
擲翠羽明珠百貨適夫布應輸泉府罰子錢常負水
衡投幾年分得南鄰潤不見馮驩到薛收

和者四會詩
卷三
三
沽淀

沽淀連東溟村墟接大都豐年多黍稌暴客靖桂苻
秋水跳魚婢晴空叫雁奴莫嫌衣已授寒早異三吳
夜泊

夜泊問何處地名楊柳青銷魂南北驛分手短長亭
濃露滴疏草空江搖亂星鄰船一枝笛哀怨不堪聽
所見

西風響高空落日紅滿樹樹杪棲鴉驚紛飛投遠戍
牧童驅牛歸牛飽牧童餓淖糜薄於湯飲罷牛宮臥

德州

潞水放歸舟兼旬到德州大風剛落日古驛入殘秋
令節期將近征途去尙修只愁寒色勁開筭欲披裘

四女寺

上雨旁風廟荒涼尙水濱像猶存四女名可敵三仁
傳會莫深辨流傳豈不真笙歌誰報賽過客薦溪蘋
憶南北鄉試日內將放榜矣

秋風矮屋感驚波放榜紛紛又一科對鏡畫眉曾問
堦觀河皺面已成婆朱衣可奈因緣少白屋其如涕
泗多愧我四分衡藝席冬烘頭惱被人呵

重陽日陰

秋色滿天地黃華無古今百年多跋涉九日罷登臨
落帽傳佳話催租斷好吟緣何豪興減雙鬢有霜侵

武城

言子昔爲宰宣尼曾見過諸侯方戰鬪小邑自弦歌
學道固應爾得人將奈何牛刀畱治蹟政事好同科

臨清

小醜潢池昔弄兵曾勞七萃士從征賊鋒警處疆臣
怯堂印辭來宰相行焚石無端多及玉吹壺未免太
懲羹至今月黑天陰夜野外猶聞鬼哭聲

臨清弔謝茂秦

四溟豪俠氣縱橫談藝居然滿座傾誰信坵壇成末
隙始知貴賤見交情布衣儘可尸牛耳采筆何曾遜
鳳鳴轉羨賢王能折節一枝花贈謝先生

汝河道中

漳河行盡汝河行船進臨清水漸平真似磨牛重踏
跡恰教雲雁與同程一天明月秋無影萬里西風樹
有聲正是三吳好時節籬花初放穀將成

荒雞

古戍浩無人月墮星動搖前村夜未半隱隱荒雞號

銅船

采銅采自滇運銅運自川洞庭及江漢深廣便汭沿
一從抵袁浦四閘相毘連有時伏秋汛水駛箭脫弦
百夫挽不上水減方得前守水住數月白晝惟攤錢
渡河閘愈多河涸流涓涓下版爲蓄水來往胥遷延
計其達通州行程必逾年後幫繼前幫終歲船緜緜
運河本轉漕強橫惟糧船銅船偏與爭奚止揮老拳
商船更莫論如鳥爵見鷗淩弱而暴寡習慣成自然
何以馴桀驚令人心憂煎

我欲結茅屋詩

十首

兩世薄宦里無一廛舟行無事輒寓妄想於

詩將倩友人圖之以自娛焉

我欲結茅屋半村半郭間門前面流水舍後倚青山
春秋好風日登臨足開顏

我欲結茅屋有亭又有池有池可濯纓有亭可賦詩
幾莖紅芙蓉一雙白鷺鷥

我欲結茅屋繞屋種梅花梅花三百本本本枝槎枒
花時有明月疏影照橫斜

我欲結茅屋也種先生柳終年不出門長條折贈友
金勒紫驂驅珊瑚鞭在手

我欲結茅屋開窗蔭喬木松杉雜桐梓眉宇四時綠

枝頭好鳥鳴攜書樹根讀

我欲結茅屋東隅不築牆栽竹數千个結實飼鳳皇
鳳皇不能致聽雨夢瀟湘

我欲結茅屋門前纜小航航中何所有茶竈與筆牀
閒持一竿竹淺水汎斜陽

我欲結茅屋兼買二頃田種苗及刈稻曉起行東阡
招邀農丈人擊壤歌豐年

我欲結茅屋遠遠見漁家欸音出葦閒沿堤覓胡麻
日落一星火隱約水之涯

我欲結茅屋珠宮近可尋非爲入蓮社喜聽鐘梵音

禪房有花木亦足散塵襟

過沛寧贈黃郡丞小松

易

小松山人嗜金石前身合是洪景伯聞名廿稔昨始
逢觸熱甘爲褊穢客把臂眞成傾蓋交贈我新棐書
一冊

六月間過訪承贈小
蓬萊閣金石文字

殘碑古拓十有一摹以雙

鈎慎點畫武祠畫像石久亾紫雲山中忽尋獲好奇
天亦假之緣直得著壞幾緇屐自寫得碑圖十二鐙
前一展未紬繹歸櫂重經再請觀過眼煙雲愛弗釋
我聞泰山秦篆峯山隸拓本厯存良可惜願君續摹
惠藝林一字足抵千金璧

小松之友州人李上舍鐵橋

東琪

亦深於金石

之學者訪之不值以廿八字畱贈

名士遺蹤合不祧一樓

太白酒樓

一沼

子美南池

寄逍遙百年

過客維舟處又說秋庵

小松有秋影庵因以爲號

與鐵橋

仲家淺感清河事

峩峩獬廌冠正色貳臺端請室無槃水通家有藥丸
遠年殘客盡祕事告人難豈特灌夫鬼牀頭守武安

南陽湖卽目

未必秋山勝夏山愛它剛受夕陽殷山根一片秋湖
瘦瘦影之中釣艇閒

往年

往年河決曹下游成盤渦沛寧暨韓莊村落沈洪波
墓廬盡漂失奚止無麥禾八牖沒水底南朔視義娥
舟楫不得已涉險廩廩過一浸閱三年力竭秋風歌
昨歲甫奠定壘石兼築坡流亾漸復業大農費已多
方今塞邵壩經營復如何當局良苦心運籌贊易皤
寥落

寥落關河遠沿洄舟楫遲雁來微子國人過杜陵池
岸柳經霜後汀蘆作雪時何須怨搖落榮悴兩無私

二婦耦耕行

鄉先生易圃詩鈔有二女耦耕行云爲吾鄉
妻妾守節者作不著其姓氏余竊取其意效
之而稍變音節并正其名

鉏頭在肩笠在首大婦行行小婦走懷裏呱呱有黃
口一人耕兮一人耦烈日炎風不堪受汗如雨淋喘
如吼道旁君子問何因欲語先流淚滿巾上有阿婆
頭似雪雙雙已是未亾人未亾人一亩田荒不耕
那有穀代夫事兮代夫育蛩蛩駉虛影相逐日午無
人饁餉來小兒索乳懷中哭感動行人淚撲速頽陽
西逝歸衡阿煮得薄糜先奉婆阿婆乍眠兒亦睡又

聽機鳴月下梭

感秋十詠

風

銀鐙欲灺夜三更聽得簷牙鐵馬聲
簾捲只愁花共瘦堂虛還恨樹偏鳴
班姬捐寵增宮怨張掾懷鄉少宦情
童子不知搖落感垂頭鼾睡到天明

雨

蕭蕭颯颯又零零洗出空山石骨青
竹簟竟牀涼斗覺桐陰滿院酒初醒
一聲手撼吳船笛五夜心酸劒閣鈴
亦有懷忘不得杏花時節小樓聽

露

幾個疏筠隔晚煙
偶聞清響滴窗前
瀼瀼濕著桂華冷
顆顆寫將荷葉圓
徹夜小亭時警鶴
來朝高樹尙嘶蟬
只憐玉屑金盤少
渴殺文園不得仙

霜

一望蒹葭水國容
白雲深處試扶筇
愁多怕聽邊城角
睡醒難尋古寺鐘
橋上履痕初點點
簾前燭影自重重
江鄉何物關心切
玉粒催成慰老農

月

青天把酒問蘇髯
七寶裝成駕老蟾
桂樹連蟾香正

吐蓮花點滴漏初添金徽乍欲停琴軫玉宇俄看啟
鏡簾久坐那禁寒料峭玲瓏早下水精簾

河

碧綠誰嵌一段銀不揚波浪不揚塵累它烏鵲填橋
苦欠箇鯨魚斲石新殘月墮時剛射角

古諺河射微角作夜作

雲動處欲生鱗自從識破支機後未許乘槎再問津

花

曲池西面畫闌東點綴秋光一兩叢尙有游蜂兼舞
蜨未輸姹紫與嫣紅短筠縛架微沾露弱蔓牽籬可
耐風畱得寒香爭晚節居然松栢後彫同

草

萬里平原一望中，荒寒不與舊遊同。
長鳴牧馬拋金勒，側翅飢鷹掠碧空。
秦地關山連夕照，漢家陵闕對西風。
踏青時節香塵滿，曾襯桃花數點紅。

柳

依舊長條間短條，竟無煙雨伴昏朝。
西風驛路神蕭瑟，流水柴門影杳寥。
閨夢又隨征雁遠，客魂曾爲聽鶯銷。
三眠三起靈和殿，追想穠華寫素綃。

蘆

飛花如雪隱疏煙，中有漁家不繫船。
絕塞風高鴻雁

遶空灘月好鷺鷥眠蒿芽共長思三月楓葉同時聽
四弦我自六齡慈母剝未寒衣綉早裝鯨

聞河

宿遷北去達臨清約畧郵籤九百程僂指牖過五十
二漕渠一綫最難行

過淮關晤同年周孝廉曼亭雋馬進士器之宗

璉

南望楚州城北越公路浦一關介其間有更猛於虎
風利不得行停橈曉到午邂逅兩故人萍蓬偶相聚
一話離別悰促剝共覩縷行者是歸客居者非地主

臨分對新月有力各自努翌晨釣臺邊庠老訪張緒

張天石方任
淮安教授

淮安訪同年張教授天石 鎮

行行半舍閒得接三君語三君皆齊年蹤跡歧出處

弁陽

周八
曼亭

擅春藻家住長洲渚七踏東華塵久習名

場苦少游

馬大
器之

畧相等登第又殷舉治經侔賈服煩

眠征南杜

輯有左
傳古注

頻年客四方不得安故寓鰕生試

再剛旋聽應官鼓九年綰銅章蒼生愧無補文潛歌

鹿鳴一戰捷禮部當時人爭羨孰知積薪伍需次越

十年寒氈典膠序苜蓿奉椿庭孰坐春風魯餘子百

十人

江南解額百十四人

行藏難悉數巍巍登青雲宋宋伴黃

士日月去堂堂閱年十有五與君忝同門誼更逾同

譜瓣香爲南豐感逝涕如雨

余與君同出望江宰李
先生房先生諱祖謨南

豐人今

已謝世

史閣部祠

終宵不寢寸心丹歎息淮南大將壇南渡笙歌炊未
熟東林水火劫方殘高標赤幟驚空壁淺色黃衫負
蓋棺從此廣陵潮逆上板磯餘怒共洄瀾

桃花塢

風情畧似杜司勳尙有旗亭述舊聞三百年來寒食

節桃花紅上解元墳

甘老江湖抱碎琴
酒鑪茶肆儘浮沈
淮王鼎盛丹何限
曾誤青山李翰林

鐵網珊瑚格古精
寒宵風雨一燈明
只憐史筆無人諱
羞煞南濠都少卿

揚州雜詠

三千殿腳總如花
驀聽人言說麗華
睡醒亂飛螢萬斛
隨風吹徧玉鈎斜

鬢絲禪榻杜司勳
好句流傳月二分
猶有吹簫人似玉
一聲聲過過江雲

卻從江北望江南幾點煙螺一水涵太守多情堂築就

歐陽公詩有揚州太守舊多情之句

卷簾鬚鬢染飛嵐

竹西亭畔撥檀槽一闋秦聲氣尙豪彈到巢痕天上埽哀絲不似鬱輪袍

少年司理擅風騷況是家傳七葉貂吟罷綠楊城郭句冶春詞又賦紅橋

吟壇德水繼新城先後同鄉迭主盟多少紅蓮依綠水春林窺客有流鶯

聞小玲瓏山館裏牙籤賽過鄴侯家錢唐名士多於鯽琴劍都依馬半槎

冬心弟子老山人
眠鬼能爲鬼寫真
記得廣筵曾接
邾廿年前踏輓紅塵

常州訪同年洪翰林穉存

亮吉

自伊犁還

聖主恩如海孤臣早

賜環十旬居絕域
三萬路生還嗜飲
今須斷耽吟慎

自刪杜門宜攷古
客話訂天山

云著有天山客話

過無錫追輓故尹姚半塘先生

諱學甲

攜客同煎第二泉
舊游振觸兩年前
匿王自照恒河

水白傳俄歸兜率
天化鶴何時雲黯黯
獲麟故地草

芊芊

先生鉅野人

竹鑪無恙休重問
淚灑牙生大小弦

宰

邑試童子拔
廣芸第一

由射瀆至虎邱

晨暉燭遙岑白雲宿其頂微風搖蕩之時露辱顏影
岩岩窄堵坡高峙招提境煙外鐘聲流聞之發深省
放舟射瀆塘打槳虎邱港朝煙凝不流晴翠遙相拱
柴荆映漪瀾松栝森邱壘黃髮負暄翁屋角扇雙聳

西施曲

西施歌西施舞蒼龍已沒月方午吳王酒酣自擊鼓
鼓聲宮鼓聲角不管陂雞曉喔喔臥薪之人早驚覺
一旦越兵來宮梧作爨材至今春草綠牧豎上琴臺

三石圖爲陳辰州

廷慶題

古華先生今詩翁少年曾上蓬萊峯
輶車出使典秋試飽看鵲華單
椒容辰陽領郡亦勝地大西小西皆
玲瓏棘藥歸來久不出興到或策吳山筇
邇來嗜奇類海岳舫攜三石盛筠籠
我過行館得細玩髹几排立青芙蓉
具體蜀嶧喬扈宿縮本岱峯恒霍崧
鬱林巖頑那足數壺中九華差並雄
后山染翰與寫照圖爲杭州陳曼
生茂才作神光離合揮煙松須彌芥
子恐妄語仇池小有何由通一琴相
隨試撫動臥游佳興將毋同

同年朱大尹蔚堂

煌

訪余杭州卽送其歸當塗

秋林同君折春花同君看四鳥化爲鳬分飛各羽翰
潺潺灘江流鬱鬱太室巒君分發廣西引疾歸我在
三年再出宰嵩縣
浙之西尺素良復難君今偁棘人訪舊來江干畱君
榻寓樓翦燈話古歡信信送君去朔風方歲寒綈袍
未能贈努力勸加餐

南至日句當公事至平湖

小瀛洲

在東湖中

畔水一碧淨無滑跡已營新壘

時已補處州郡

丞情猶戀舊巢豐年民自樂亞歲節初交更喜慈闈
健晨餐潔爾庖

平湖戴氏二孝女詩

農家戴秀山兩女有與如父死矢不字撫第十歲孤
夜織兩張機朝耕兩柄鋤風中同拾薪雨中同摘蔬
兩女勝兩男克代母氏飭有肉果第腹有絛溫第膚
第長延厥祀姊甘爲之奴哀哉第再娶短命影忽徂
遺腹幸生男繼祿泣呱呱豈無母呱呱賴有姑
姑心不怠父母心忍負夫室雖有兩賢末由化一愚
母老又終堂苴杖代弟扶椎心聲暗吞洗面淚蚤枯
頻頻舉四喪罔廢菑與畚辛苦卅餘載姪今能負芻
有年已六十如亦五十餘四目不識丁何論詩與書
至性本天成金石不可渝女貞雖非正女孝良莫逾

昨輯邑乘稿衆口交傳掄今爲賦此詞以俟旌其閭
姪壯不報恩弗及銜鼓烏

陸孝子割股行

錄

孝子瘦臂如螳螂伸臂欲割肉奉孃初被人知割未
果旣而割肉筋誤傷大嘔一聲身仆地家人救蘇良
不易鮮血淋漓流滿臂痛深創巨與死鄰雞骨臥牀
今十旬烏虜親年修短自有命兒肉何由愈母病然
而能人所不能畢竟過人有至性孝子誰陸廷模年
廿九貫平湖家貧幼依舅氏居嘉慶戊午登賢書分
校棘圍薦者余

嘉善魏忠節公祠

公子廩生學泮以敦殉同建坊

滿地茄花獄吏尊北司牢戶幾冤魂清流禍烈天心
厭貫索星多象緯昏三案爰書前史少一家祀事有
司存父忠子孝尤難事苗裔須將世德敦

臘月十日錢江舟中

檣櫓暝煙際江頭作客孤角聲吹遠戍鈴語落浮圖
夜月明還暗寒潮有若無斜川侍坡老曾此飲屠蘇
乾隆戊子隨先君子在此度歲距今卅有二年矣

曉行

半山朔吹鳴五更疏雨響雲開微月流天曙初陽上

陰晴互變更江山空俯仰十幅布颿張沙際暗潮長
聞雁

征雁音何苦聽之髮欲皤關河愁患難梁稻慮蹉跎
夢裏梅花白江邊明月多幾時息塵鞅安穩著漁蓑
江中舟夜

江波平江月白江上山痕煙外碧仙家三壺若咫尺
我欲往游無六翮

送舉主秦公移臬湖南

北驛才停軫時甫南舲又挂颿

言綸三錫乍臥轍眾情咸久託併幪庇深欽操履嚴

能無知已淚臨別灑青衫

六載西湖住香山與雪堂揚仁矜犴獄敦本重農桑
可愛如冬日難干似曉霜它時花柳外還長拂天棠
鳳池曾載筆驚嶺每停輿士坐春風裏人依夏屋餘
看山頻拄笏畱客爲烹蔬公暇尋僧話清泉煮佛廬
詩筆新彙就堪扶大雅輪不將才氣逞獨得性情真
倡和誰同調淵源自古人傳家蒼峴集

宮諭畱仙先生公之高祖

也有蒼峴山人集

球壁更同珍

漢代長沙國行臺駐碧幢古碑剔峒嶠香草采蘭茝
文藻三閭宅湘帆九面江若成南嶽賦健筆定能扛

月輪峯下路冠蓋送行旌陽鳥幾繩字梅花一路程
到應春爛漫去正歲崢嶸早晚來開府爭先負弩迎
奉檄赴處州賑饑以臘月廿一日登舟廿六日

至蘭溪途中卽景成篇得詩十首

征人夢不驚永夜水無聲津鼓忽然響侵晨掛席行
暗春江欲動是日立春殘雪嶺猶明遙見振振驚沙邊向

客迎

不厭朝朝看眞山似畫山泉跳樵影外雲冒樹痕間
殘臘翠如許空江艇自閒屏風度飛鳥粉本付荆關
雲陰俄解駁天意放新晴林色一何空江流彌覺清

漁舟沙際閣，雁陣樹邊橫。
咫尺富陽縣，紅亭嶺畔城。
九里洲前路，梅花聞最妍。
春光忽已動，香雪浩無邊。
夜半停舟住，蘼蘼夢欲仙。
遲明聽欸乃，搖碎一江煙。

九里洲梅花正開
惜夜泊不得觀

錢江潮不上，綠淨是桐江。
此水不可唾，來從七里瀧。
溪山信清淑，風俗定敦龐。
輸與持竿叟，生涯託釣艫。

危嶺勢方斷

桐廬有支港通新城

對江沙頗平，森然山有樹。叢

爾邑無城，孤塔青松湧朝暉。
白屋明

邑在岸西

緬懷大癡

卷煙麝染縱橫

颿與篙爭用，跳波對面迎。
林間霏霽色，煙外瀉灘聲。

斥堠吹笳戍樵蘇束楚行夜聽山鬼歎殘月吐三更
誰向崖邊住非漁定卽樵屋依叢筱築雲帶爨煙飄
司命令朝醉客星終古遙青青原上麥幾日入新韶
廿有四日
過七里瀧

名州臨孔道歧路達新安雙塔銜頽景千篙響亂灘
蓺茶供賦稅摘菜佐盤餐土瘠民貧地逢迎困長官

當路皆在江干料理琉璃貢使過境

朱顏非二九

乾隆庚寅經此余年十八

白髮欲三千鴻雪畱難認

烏風相自便亂峯圍古驛孤艇餞殘年明日籃輿去

金華訪洞天

自蘭溪陸行至金華

溪淺灘高處停橈又僦裝居廬齊雉堞列肆聚閩商
驛路三衢接盆花九畹香筍輿循古道半日尙康莊
四先生不作銷歇舊風流莫問初平石猶存八詠樓
荒塍烏柏禿寒岫翠松稠紅土巖前路晴光豁遠眸
樹多松柏山土多赤色

贈金華嚴太守少峯

榮

三泖漁莊

君外舅王述庵師所居宅名

舊識荆昨登詞苑旋

去聲專

城

由編修任

金鑾清望雕龍伎寶婺名邦夾鹿行遙繼沈

侯爲太守豈關嚴助厭承明我來八詠樓前過得聽

災黎頌德聲

君爲浙賢守今歲水災振救盡力

永康張大令蒔堂

吉安畱飯

不暇弔同父姑來訪茂先邑遭洪水患人頌長官賢

旣翦西窗燭還開東閣筵陶公長止酒

余久戒酒

且聽鼓

淵淵

館頭

館頭一村溪之涯四十餘戶居民家婺甌往來此孔
道行人投宿紛如麻羣蛟岸裂水湧出田廬洗盡成
泥沙溺人得援能有幾性命頃刻隨魚蝦刀兵水火
皆劫數佛不能救空咨嗟安能娑婆化極樂淨土盡

種青蓮華

曉行

檐端鳥聲聒行客整裳衣霜華白滿地晨光乍熹微
橫峯與側嶺遠近煙霏霏回顧白雲下眷言念庭闈
奉檄盡王事廼與定省違東坡宦岐下歲暮亦思歸
除日宿縉雲

鑄鼎畱鴻豕官名作縣名羣山雲吐納亂水石縱橫
除日連元日王程卽客程終宵不成寐坐盼紙窗明
歲朝宿荆坑

元旦輿轎至聊逢野店停架梁成小築開牖對圍屏

幾點殘梅白數竿修竹青睡醒溪響急誤作雨聲聽

桃花隘

無罅千峯與萬峯去天一握白雲重春回陽琯韶和

轉日避陰厓雪凌封

天頗暖而背日處猶有冰雪

開國魚鳧同地

險前朝虎兕表軍容而今里埃消磨盡不用平安報
夕烽

度嶺

一重一重復一重凌空朵朵青夫容媧皇補天用不
盡棄擲此地當鴻濛五丁開之巨靈擘始與甌海金
華通山腰細路比螺旋鬱儀結璘分西東前峯未平

後峯起一嶺橫列一嶺縱周遭見山不見地再上便
欲凌剛風旣無羽流駐丹鼎亦乏開土營琳宮惟有
行人日來往白雪深處燒光紅是日見燒山

贈張太守澹園士楹

瓜代清溪已續貂

余宰德清承君乏也

栢州佐郡又爲僚風將

庶草吹俱偃地有甘棠久不彫

君昔宰麗水有循政

異鵲今年

應集舍

宋柯述救漳州飢得民致異鵲之瑞蘇文忠有詩

早鶯計日得遷喬

君以杭州西湖海防郡丞爲假守丞秩已滿將除真守

春來轉念災民切莫怪

遨頭意興消

正月望後登萬象山謁秦淮海先生石刻像

春葩吐滿城平地看不徧來登萬象山一覽紅紫絢
菜甲已蓓蕾麥苗更葱蒨千村淑氣催百里條風扇
羣巒壓儲胥清溪達甌甸遠近炊煙生飛翔鳥聲變
徘徊欲忘歸晚鐘鳴佛殿

蘇門有四賢其一秦淮海天抹微雲詞一字一珠璣
生逢黨錮時竄謫非其罪一笑華光亭自有夙根在
酒稅此時監姜山色不改揭來拜遺像髣髴識風采
身難贖萬人名自畱千載

少游已矣萬身何贖蘇公語也

上元

新春連上元落日鐃鼓響當此艱歲餘猶有華燈朗

兒童興飛騰街市恣游賞我如祥符僧但有東坡訪
絕句

枯蒼以樹名義等桼幹柏莫作括囊書豪釐辨點畫
畚民卽菑畚六魚轉入麻土人不識字三寫烏焉差
春日郊外

風卷滿山雲煙光散阡谷晴原淨無塵求友禽相逐
紛紛紅與白嘉葩豔娛目熙熙往與來負擔雜樵牧
豫章蔭數畝色映眉宇綠惜無法王宮魚梵修乾竺
紅梅用東坡韻

紅梅開比白梅遲正及山城獻歲時似失清真高士

韻卻餘斌媚魏公姿朝霞影乍籠香骨曉日華初暈
玉肌記得柘湖姦姦裏臘前已吐兩三枝

寄東家教授嗇生先生

保泰揚州

往來容我不登堂轉上吳船話夕陽別後書函艱驛
使近聞米價長江鄉亂山深處春偏早洪水栽餘麥
不荒但願西南都埽蕩普銷金甲事農桑

郡齋雜詩

浙左荒寒郡圖經攷地形知分隋祖世爲應少微星
谿遶甌江白山圍栢嶺青洞天多管內蠟屐試題名
地僻人雖陋山深俗尙醇東風當改歲晴日恰經旬

湖海雙魚素乾坤萬象新

皇恩施惠溥感激浩無垠

時猶放
賑銀

里巷春燈落驚雷起礮車煙雲千疊嶂風雨一林花
黥鼠宵常出愁禽曉不譁閑官逢鎖印免放兩回衙
山城二月半花事已闌珊客到茶爲供厨荒筍作餐
但憎蛙鼓聒不見燕泥乾

社前曾一聞燕至此夕團
今寂然而蛙鳴矣

樂影支頤子細看

花朝懷人絕句

月夕

客歲中秋
與君別

花朝一刹那黃金秋橘疾如梭故人

橐筆

金華殿晴日東風想玉珂

黃供奉
左田

櫻桃斜街范少卿東齋下榻王明清上林春風杏花

發曉院會作遷喬鶯

王孝廉子卿
時方會試

公子高譚口若河長齋繡佛課如何不知結習都除

未天女花方散曼陀

朱員外
習之

折得疏麻倩六鱗三千里外素心人遙知唐棣花開

日門外時停長者輪

朱孝廉
少河

重三日卽目

寒食清明都過了雨餘無俚踏蒼苔柳花飛去池萍
滿不覓紅襟燕子來

千秋韻事想蘭亭且喜晴光滿牧垌雨氣已消煙靄
斂春山初露一分青

苦竹道中卽景口占

恣看翠嶺無邊色飽聽清泉不斷聲更有新秧鋤似
莢山田三月事深耕

寂寞

寂寞復寂寞衙齋罕客過關河歸雁少風雨落花多
止酒餅長罄題緘墨怕磨百年身世感攬鏡嘆蹉跎

憶藤

記買新藤手自栽僅畱遺愛在莓苔東川競說萊公

柏西澗爭尋永叔梅欲嬾古賢夫豈敢但譽嘉樹可
無猜柘湖此日春將老未省庭前開未開

壻徐琳森玉

同校

男華清正之

稻香吟館詩集卷二終

稻香吟館詩藁卷四

嘉定李賡芸生甫

石門觀瀑

雙槩下重灘，迅若辭弦矢。石門鬱嵯峨，乘漲橋邊艤。
蒙茸樹交蔭，葱蒨草被沚。新篁映翠微，好鳥鳴不已。
仰瞻青雲梯，半入白雲裏。五岳那須遍，一邱良足止。
幽棲遠塵壒，蓬壺在尺咫。嘉藻媿鄜生，負此林壑美。
康樂已久逝，犁眉亦云遙。畱茲山水窟，供人事漁樵。
鴻蒙昔初闢，有泉懸亭峒。似從天池落，直接閩海潮。
倒噴博山煙，逆注北斗杓。歷劫無停聲，境靜轉弗囂。

東瀛有時淺茲水恒滔滔逝者信如斯宇宙成旦宵
平生嬾蠟屐此游良獨超何須羨汗漫若士洎盧敖
石門劉文成公祠

林巒深護讀書堂帷幄功應冠六王堪與臥龍相伯
仲還將捫蝨比行藏五湖煙水舟難泛二豎膏盲藥
不良瀑布聲中香一瓣免隨麟閣閱滄桑

寓齋芭蕉甚多

紙窗隔斷綠天幽四月微涼似半秋孤枕幾回驚夢
醒果然不雨也颼颼

張叔夏詞縱芭蕉不雨也颼颼

登華蓋山遠眺遇雨

單椒聳城東危亭攝衣上寺隘樹扶疏陞仄涂紆枉
側身天宇寬流眄塵襟敞四圍煙靄迷千古江山莽
密雨從西來流雲簷際盡繼以習習風坐使神情爽
古人已成仙相傳容成仙處不見亦恟恍徒畱洞天名山卽太玉
也洞天遊者空俛仰

東甌山海錯近郭多平田瞰茲綠穠瑜春草同鮮妍
河流細於帶曲折相回旋扁舟小於葉雨槩相沿緣
此邦土良美登高覽其全膏澤無愆期沃土多豐年

溫州寓齋雜詩

幾日東甌住南風日日薰衣沾煙嶼雨礎潤墨池雲

和左內食言
王右軍守分省行臺職樓船橫海軍嚴城聲勢壯鼓
郡古蹟

角夜還聞

謝監游山癖猶存句滿函西堂曾夢草東海比揚帆
江濶雲常潤泉通井不鹹陽阿試晞髮唐突媿無鹽
梅子黃時節江城水氣昏驚雷能失箸狂雨乍傾盆
蜨重欹蕉葉蛙頑躍草根日長無箇事未夜已關門
客裏逢重五龍舟競度喧游觀紛婦孺風俗似鄉園
折艾懸絲佩菰蒲入酒尊還從吳季子分贈數枝萱

吳藩幕涑川
寓庭多萱

江心寺宋高宗曾航海至此

倉卒乘風到鑾輿此暫停
鮫人曾效順龍伯亦揚靈

翰染金壺黑

寺有宋高宗御書清暉字

苔黏玉座青文山逢末造

灑涕又重經

謁文丞相祠

餘人

剪滅存三戶欹軀覓二王
此邦畱翰墨異代起祠堂

正氣彌天塞靈風盡日颺
兼欽兩義士患難共巖疆

以台人杜公濟溫人徐公榛像配

敬瞻丞相像

像爲前兵備今湖南按察泰公所藏刻石置祠壁

小峴先生

秦公號

官分巡攜來公像鑄貞珉畱茲面目

對天水不與齒髮

見西臺痛哭記

同埃塵金枝玉葉昔播越

三閭四廣尤酸辛傳芭試擊竹如意靈兮恍忽乘廳輪

卓侍郎祠

名敬瑞安人明惠帝時戶部侍郎

卓公密疏請徙藩主辱弗克從其言金川門啟身被
執火光遙見三宮燔中涓說降公勾死一片丹心照
江水子糾建成擬不倫夷吾魏徵胥足恥成仁取義
不苟生畱取完名輝竹史百年事往旌典頒無待銅
仙渭橋徙江心寺畔數間祠焦狀元弱碑駢體詞風
雨寶香山下路曾騎黑虎夜歸時志載公軼事云性
孝讀書寶香山中
年十餘歲夜必歸省值大風雨迷路
遇仙假以牛送歸及門乃黑虎也

訪顧尙書墓不得

錢謙益

尙書名錫疇崑山人福王時官禮卿與馬阮
不合勒致仕南京失守鄉邑亦破閉關赴閩
唐王命以故官以父喪力辭至溫寓江心寺
總兵賀君堯撻辱諸生將論劾之君堯乃夜
使人殺而投於江土人覓三日始得因葬焉
墳今不可考矣

陪都再破更無家飄泊僧廬殞海涯龍象滿堂應墮
淚豺狼當路慣磨牙怒潮定挾鴟夷憤孤嶼難尋馬
鬣斜堪嘆年年寒食節棠梨何處一叢花

登孟樓作歌

江心寺前維客舟江心寺裏登孟樓孟公已乘白雲
去衆山十字詩長畱我登斯樓日卓午聒耳空林喧
法鼓孤嶼中川名僅存蓬萊無怪塵飛舞謫仙詩硯
捧太真摩詰輪袍娛貴主少陵麻屨賦北征天壤之
間各千古江山如此不消搖古人有知必見嘲振衣
試陟東西塔擊楫還憑上下潮

白雲

白雲吞山復吐山蜿蜒天矯往復還清風一隊忽吹
散空翠亂滴篷窗間

潮來

一夜村邊泊潮來又放船
雨餘溪響聒雲薄日光穿
浦樹層層密沙禽款款眠
好憑風色利安穩到青田

青田訪補齋長官

彥圖

不值口占寄之

小絕青田縣山連半面城
疲區困名士新政有賢聲
禾長牛多暇芝荒鶴不生
何時重把臂相與話離情

舟夜

明月當三五青山過萬重
平生數游迹此景不多逢
灘遠江波靜雲疏露氣濃
披衣一長嘯聲應最高峯

月夜聽遠灘聲

和子中食言書
三
難近聲喧厖灘遠聲嗚咽嗚咽不分明淒淒復切切
感茲哀以思何異孤舟啜劍閣鈴雨繁湘江瑟弦子
萬翼蛩爭張寸腸援易絕乃知山水間自具哀蟬闕
此聲過秋聲清脆竹將裂欲聽不堪聽江月白於雪
雨後桃花嶺從雲中行

春陰撥不散雨過看雲生絮擘四周裏筍將一往迎
人既不雲讓雲還與人爭人止雲不止人行雲亦行
誰將混沌鑿露此支離形若從下界看惟聞雞犬聲

江村

白沙翠竹小江村塔影灘聲恰到門我欲停舟待遙

夜月痕狼籍又煙痕

望石門

羣山奔海隅一起亦一伏誰將蓮華鄂劈破不可續
谿窅門闕張峯嶺屏風簇杉筠奏籟竽澗壑鳴琴筑
繫彼武陵源對此應嫌俗

望石帆山

青山無不佳石帆益娟秀喬松挺蚪枝長林蔭巖岫
天風一以吹聲作韶鈞奏石痕斧劈皴離奇亦皴瘦
其陰若削成峻壁插溪澗摩厓大可鐫椽筆誰馳驟

五月十七日自溫州回處州

一船五槳返東甌如駛雙丸迅不留
猛憶去年今夜月布帆初卸泊蘇州

卻金館

明尙書何公文淵以溫州知府入覲卻永嘉丞餽金於此

太守昔入覲此間卻餽金清風已千古
嶺外白雲深自永康乘船至金華道中作

清風一披拂吹透葛衫輕樹影連村影
蟬聲間鳥聲雨將青嶂洗虹似赤霞明
望見溪邊火知經水上城嚴州夜泊聽雨

嚴州建德縣東郭又來經有水下徽歛
無人空驛亭江干距城五里候明燈吹燼
落細雨隔篷聽曉入富館中虛無人也

春瀕山光青復青

七里瀧

羣巒態婉嬾灌木陰蕭森境寂日彌永心閒山自深
漁罾曬晴渚樵響落煙林居者託高躅行矣矢好音
矯首望白雲濛濛棲碧岑毋謂白雲嬾白雲本無心
清風一相引出便能爲霖

西臺行

浮雲淖鬱鵠鷗叫山昏林黯朔風峭女蘿山鬼楚騷
詞有人攜酒西臺弔哭聲直欲撼乾坤阮生唐生皆
別調珠襦玉柙六陵塵惟有冬青縈夕照至今幽響

咽空灘終古秋聲號萬竅死與詩人鄰生有參軍號
所南爲同鄉韶卿敦友道白雲村寒野火燒許劒亭
頽懸漚瀑徒令弔古人頻倚荒江糴人生遭際那得
齊山高水長我所思

嚴先生祠堂

百世聞風起山高水又長先生不肯仕天子目爲狂
獨鳥煙中去冥鴻天際翔溪毛誰與薦漁父正鳴榔

釣臺

山光青水光綠畫眉聲中一竿竹五月披裘此翁獨
昆陽城屋瓦飛富春瀨林嵐霏林嵐霏好垂釣只共

故人眠不待金門詔
讓入面貌雲臺肖
千古高高客
星照

桐廬道中

半日過嚴瀨
南風五兩吹
隔煙看鳥浴
翳樹聽蟬嘶
天遠千峯澹
江寬一櫂遲
今宵富陽泊
應有月如眉

喜王子卿

澤

登第館選

兩首詩操左券真

去秋錄別今春寄懷皆以此相期

錦衣果探杏園

春而今免斫王郎劍
此際先紆吉士紳
千佛經來同

闕史

前在溫州開題名錄君名適在闕文之內

三神山到若當仁

君師黃供奉左

田深以不得館選爲憾

從茲書畫應難句
旦晚簪毫侍

紫宸

同年錢質夫

學彬

罷泉州守回京有感賦贈

瑞石峯邊襍穢逢風簷回首一星終

乾隆庚戌會試於號舍中訂交

棲鸞尙有巢痕在載鶴俄成鏡影空閭嶠大歸真惘

惘華嚴小劫太忽忽憐君雙鬢青如許忍向江湖作

長翁

君年僅三十八

桐竹書堂圖爲吳公孫瓶齋

顯德題

有鳥產丹山九苞而五色非桐枝不棲非竹實不食
竹生嶰谷堅桐茁龍門直干仍高姿翔九萬培風翼
朝向空峒游暮乃瑤池息高岡試一鳴能令羣鳥默

西湖柳枝詞

裏湖外湖春水生
白隄蘇隄春煙輕
春水春煙渺無際
紅樓玉笛暗飛聲

西湖湖水碧於藍
萬樹垂絲影倒涵
獨立西泠橋上望
斷腸春色似江南

春宜鶯囀夏宜蟬
點點秋雅夕照邊
直到漫天風雪舞
枯椿還繫總宜船

午出城游晚進城
游湖怕雨愛天晴
長條堪折無人折
生長杭州不遠行

西湖後柳枝詞

稻香吟館詩藁

卷四

九

難尋泥雪舊因緣

少年時嘗屢至湖上

游宦重來又十年應笑

先生青鬢換幾時移去種門前

幾年憔悴溷風塵彈指曾聽九烈神重把春衣浣湖
水汁痕黯澹酒痕新

雨露栽培總大公託根何必盡相同幾株種向龍池
畔自領天邊長養風

不貪結子不禁霜又有飛花上下狂何不別謀三畝
地半栽桃李半栽棠

柳枝詞

咸陽城郭漢西京元灞滔滔不絕聲此是古來離別

地長條攀盡不藏鶯

灞橋

白草黃沙接大荒春光不度度秋光玉門關上吹羌

笛萬馬長嘶磧滿霜

玉門

仙人吹笛黃鶴樓才子揮毫鸚鵡洲才子仙人今不

見飛花如雪漢江流

武昌

南通巴蜀北通秦十里煙光二月春最是泥人金雁

驛手痕輸與酒痕新

鳳縣

寒食人從上冢還澄湖小艇路彎彎生憎兩岸柔荑

密遮卻單椒秀澤山

明湖

殿腳三千事已遙隋隄遺恨付江潮二分明月梢頭

挂春在東風廿四橋

廣陵

鵝黃縷縷倩誰搓白下門前蘸碧波春色冥濛描不

盡南朝煙雨至今多

白門

踏遍紅心訪館娃絲絲多拂女兒家前生誤向蘇臺

種悔與西施埽落花

蘇臺

杭州懷古

十四州承一劍寒天教尙父王臨安斗牛光起金牀
蝕錦繡歌傳鐵券完陌上花開春爛漫江邊弩射水
沈瀾傷心只有羅昭諫榜紙無名淚暗彈

稱姪稱臣筆不停九哥安坐小朝廷甘心半壁銷兵

氣唾手三台摘將星沙幕茫茫淹玉輦并華湛湛浸
銀瓶祁連冢畔畱頑鐵萬劫饒它便旋零

師王鹵莽事中原淮甸爭驚鼓角喧六部橋邊人奉
敕三元樓上客踰垣託居肺腑誠多負送去頭顱似
太冤最是一椿堪恨事倩人垂老記南園餘韻

寶蓮遺址已荒菅葛嶺堂眞若是班縮本帖成還刻
石大書題就記遊山關心蟋蟀輸羸際轉眼猢猻聚
散間聽罷杭州歌一闕木繇庵裏可曾閑

泥馬南來關帝畿殘山一角絆斜暉金牌已誤黃龍
飲碧水俄驚白雁飛賸客燕京琴未碎遺民汝社髮

猶睇杜鵑曉罷冬青落玉桺珠襦更式微

陽和土木起烽煙刁斗喧聲震近邊自潰六師成北

狩獨扇再造阻南遷鵠原兄弟恩情薄魚水君臣信

任專至竟奪門成底事鷺鷥冰上恨難傳

當時童謠
鷺鷥冰

上走何處
得魚賺

諸暨村野多白蓮可愛

荀與歷煙垌暑影已漸斜沿村多陂塘開遍芙蓉花

芙蓉花何如色比瑤臺雪不信妙香多曾受污泥涅

諸暨寓館晨起

新涼透秋衾吟葦弱無力零露沾羅襦涓涓不堪拭

七月十四夜風雨不寐

一夜風聲雜雨聲
良宵孤負兔華明
銀塘菡萏香應褪
門外有荷池
金井梧桐秋乍生
越絕山川吞敵國
吳宮花草累傾城
釣天境好無由到
數盡更籌斷續鳴

七月十五夜風雨益大

簷溜懸來似建瓴
猙獰捲處撼牕櫺
膚間驟覺生千粟
塔上先應語一鈴
桐樹欲欹支短木
蒲花都沒失前汀
平生自笑塗鴉拙
屋漏痕多好乞靈

兩日

兩日風雨惡溪漲二丈餘
城中水數尺
市中有游魚

浣江滙衆水隄潰田成湖傷弓鳥再創中澤哀鴻噉
又勞當局心振貨頻躊躇

諸暨去年被水最重今又遭此厄

望長山上范大夫廟山在諸暨西門外俗稱陶

朱山

濕翠澹成煙櫺櫺滿晴嶠婉變俯西郭上有少伯廟
援枹一鼓禽汎宅五湖釣寫象金初寒烹狗語旋效
後潮隨前潮如聆披髮訃惟畱吳宮月長向浣江照
自諸暨乘船至義橋舟中看山

我行枯蒼道峯巒不畱縫扁舟下永嘉羣山競奔送
名山如名人安得若斯衆何如此間山清疏列橫縱

偃者若臥龍豎者若翥鳳修眉判纖襪螺黛分輕重
寫入屏風看冰絲試頻美

絕句

日出煙未消山光綠于染老樹水村前秋禽飛點點
澱湖如佳文不使一筆直張帆又卸帆煞費長年力

聞家堰避潮看月

缺月二更上滿船都有光明潢絡珠斗涼露沾羅裳
吳越昔爭鬪江山今混茫惟餘潮與汐一樣打隄塘
鳳山門外宋太祖廟

火光夜罩甲馬營衆香國裏孩兒生先生驢背笑不

住從此人間享太平太平荏苒還離亂三百年中再
驚竄牢駝岡下劫灰飛朱鳥臺前如意斷從此蝦蟆
打五更有人風雨拾寒瓊千尋艮嶽山全碎十頃西
湖水尙平不知遺廟何人立當年堞像應垂泣斷無
驛騎奉香來但有村巫醺酒揖君不見崔府君南遷
泥馬酌功勛至今臨安城中廟幾所傳芭擊鼓人如
雲又不見錢武肅後裔歸朝賜湯沐至今表忠觀裏
訪蘇碑丹碧煒煌和表矗一般都是杭州廟盛衰喧
寂憑誰較舊事零星費檢尋

周草窗著
武林舊事

人情輕薄休

姍笑藝祖黃袍宅汴州何緣原廟此邦畱真同茅屋

昭王祭莫問衣冠月出游

監試內簾呈兩主試並示分校諸君子

頭腦冬烘四度秋竭來監試比閒鷗身離雄赤方多

暇口絕雌黃可寡尤持節兩賢開馬帳當關一將守

鴻溝

內龍門有
官司啟開

欲將清興希前哲活火煎茶起細漚

東坡監試有
試院煎茶詩

九千餘士嘔心肝畫虎雕龍總一般鑊網森沉海

底冰壺皎皎映雲端逢場偶作竿頭戲馮軾真同壁

上觀堪笑關門司筦鑰日封函谷幾泥丸

門開輒
緘之

內簾遙與外簾通爭柰神山一望中銀海不搖心亦

靜寶山雖入手仍空成仙漫仗吹噓力選佛渾忘撮

合功

同考官薦條皆內監試主之

差喜恩讐都局外任人懷璞哭

秋風

鎖院沈沈日幾開同寮旅進有于思

謂內收掌郡丞特松崖

米

鹽瑣屑爭相勦

日進薪水之類皆稽核之或不足率來相訴

工匠紛拏總

不才

刻字刷印諸工四十餘人皆藝之最下者

大海潮音來五夜

八月潮最大

文昌星象逼三台諸公民瘼關心切

分校諸君有地方之責皆亟望

放榜

放榜如期不待催

東坡又有催試官考較詩

填榜見陸生沅得舉

手植瓊苗果向榮干雲直上勢崢嶸芝蘭秀色凌風

遠杞梓良材得地生
昔日琴堂曾識曲
今宵棘院看題名
還期

上苑看花早儕輩都呼小陸兄

陳公寶呼放翁爲小陸兄見放翁集

永康登舟

山店初停轍溪橋又買舟
已如行腳慣不作賈胡留
雨細筠篷滴沙明碧水流
試看唳鳥外新柳未遮樓

釣臺

白水真人赤伏符
南陽崛起紹鴻圖
龍鱗鳳翼皆名世
雨笠煙簑獨釣徒
自有神仙歸玉女
何須仕宦執金吾
雙臺竝峙青雲表
高節千秋德不孤

桐江

直瀉桐江水青瑤色不如一塵飛不染萬象照應虛
舟楫通都會朝宗到尾閭綸竿終日在清未致無魚
赴溫州作假守

望江門外渡結束赴東甌愛日晴逾暖寒潮力尙適
衣憑慈母綻裝藉故人謀貸貲於戴雨軒刺史華蕩莊大令不怕西
風緊隨身有敝裘

訪紹興太守憶廿六年前曾謁席使君於此
少年萍梗劇漂零敝刺懷登越守廳託益生涯愁落
莫吹簫情緒歎伶仃重來雙鬢多新白記得千山似

舊青逆旅主人忙
恙否感老一飯勝昌亭

紹興懷古

越王宮殿越王都
越國陰謀殿伯圖
白石浣紗春水急
黃絲織布夜鐙孤
鱗波際海通龍節
甲楯棲山調虎符
忍得廿年嘗膽苦
眼看麋鹿滿姑蘇

舟暮

空曠澱湖水烏篷一
櫂過市聲聳遠岸
層影入平波
晚霽夕陽淡寒林
病葉多坐看殘月上
光照扣舷歌

渡曹娥江

清江流不涸孝女久
爲神黃絹題碑古
朱甍映水新

餘風還競渡過客免迷津迎面溫暾暖東行正及晨

餘姚

氣節文章兩足師才兼文武始偶奇豹房屢見金輿
宿龍種狂思玉步移能以書生平大難偶於講學主
良知後儒底事輕嗤點難廢姚江萬古祠

慈谿道中村舍

沙岸機舟時近與江村對瓦屋十數家婦孺八九輩
或收場圃穀或挑田畝菜勤劬得溫飽笑言絕詬詈
漁水而樵山雞鳴而狗吠暗茲淳樸風恍游黃農代
潮來纜初解路轉山還在遙見牧豎歸殘陽滿牛背

候潮

候潮沙觜夜淒迷
人向東行夢向西
一徑水雲畱雁
宿半天霜月聽烏
唳僮奴慣與舟車
習書卷常兼襪
被攜此去溪山都
絕勝姓名好向石
邊題

甬東

一半清霜一半風
蕭森落葉滿梧宮
采香徑畔朦朧
月直照吳王到甬
東

寧海

此是前明正學鄉
讀書種子

姚廣孝稱公語

繫綱常一時順

命羞朝士十族冤
魂抵國殤蟋蟀河
山歸曲沃鴟鴞

風雨負成王祗今木末亭邊墓猶對金川落日黃

登嶺

一嶺行甫平一嶺又當路嶺足到嶺顛仄徑入雲霧
石墮繚而曲一級踏一步不覺身漸高頻眠萬重樹
瑤閨尺五餘或與飛仙遇

叉路

野店村邊小歧途嶺口分澗泉流灑灑林葉實紛紛
霜重疑殘雪煙高接碎雲請看飯牛者兩髡少完裙

嶺頭水

嶺頭石白好厲齒嶺頭水清好洗耳水柔石剛兩不

爭石靜水動鳴鳴水流山顛直到海水性清冷終不改

臨海

才名四傑重初唐檄草當年萬口揚相士固應先器識立身端不愧文章田橫海隅狻俱化翟義平陵鵠可傷千古傳疑靈隱句須知複壁有人藏

台州道中生日

今朝覽揆辰行邁章安道行年四十九生我懷妣考處事每忘機從宦畏言巧遭逢多感激身世豈潦倒常持無忝心永守不貪寶寒山高峨峨白日光皎皎

此意祇自知僕夫何能曉

樂清

環山兼抱海小邑實巖疆巧婦方無米行人不裹糧

沙田紅薯蕷

厥土宜薯蕷亦薯蕷之類

泥嶺碧簷簷罅漏憑何補

須求點石方

白沙嶺

曖曖初陽暉鬼鬼白沙嶺嶺上眺羣山林立濛濛影

煙光雜波光漾漾白千頃日高煙漸銷波間辨漁艇

到溫州

東甌疆宇自秦開闐闐帆檣庶矣哉日月不居人易

老江山如昨我重來四月間曾至此郡符偶借閑官綰邑政
都憑太守裁莫羨焚香兼埽地左司只怕坐無才

衙齋

溫嶺南頭郡深冬氣尙和虺蛇應入蟄郡卑濕官雅舍聞多蛇
誰每爭窠空圓老樹多有鳥巢竹矮輸人瘦庭寬受月多衙齋
無食客公退獨行歌

豫章行

君不見溫州太守聽事前豫章一樹高拂天不知種
自何王代輪囷槎枒萬千態柯如精鏐葉如黛左擎
右攬蒼蚪蟠前軒後翥鵬振翰託根千仞安如磐丙

辰仲秋颶風作屋瓦亂飛等隕籜此樹童童穩栖鶴
樹大若此定有神五百歲秋五百春聞有千餘年矣甘棠
難爲鄰樹閱使君凡幾輩孰則可畏孰可愛樹兮
能知不能對

雙門送客

半江潮一輪月潮信往復來月痕盈又闕潮未平兮
月未圓主人送客客上船船泊雙門客不發驚鴻嘹
唳煙中沒

西齋雜詩

晨鐘星星鳴北窗紙猶黑漸聞西園禽楂楂不肯默

微生知夙興感此不努力起卽治文書爲政務休息

驅沒旦與暮將爲五君式

領縣五

晝在西齋居夕在西齋臥同僚來白事延之西齋坐

叢竹頗便娟疏花亦矮嬌

庭有叢筱及月季花甚佳

鑪無香可熏

曰有茶可磨氣暖宜于冬飯少不嫌餓

夙性本澹泊問客客無好隨身數卷書庶幾俗可療

年來頗耽吟未暇講格調聊取適性情唐宋知焉肖

東庭墨池邊

傳自王右軍守郡故蹟

梅花弄姿妙放衙日一回

巡檐堪索笑

絕句

頽陽屋角紅反映遠山紫山紫復山青影入甌江水

冬夜

二九連三九分陰積寸陰梅花香滿樹竹葉翠成林
羊角風初息蛾眉月亦沈挑鐙聊靜坐無鶴又無琴

喜雨

枕上聽檐溜歡生長吏心點濡蔬圃密膏滲麥田深
暖氣融殘臘濃煙布晝陰無煩阮孚屐所志在爲霖

明張少師廢宅

不喚蘿山卽少師

見本傳

君臣恩禮有如斯晏嬰自徙

鷺塵宅張老應陳頌禱詞在昔雕甍連藻井祇今寒

圍繞荒祠朱門白屋須臾事春燕年年不爽期

感議禮事再賦一首

卷之六

前明三大案其一大禮議豹房車晚出近屬興藩嗣
長樂簾弗垂新都命堪寄登極欲追崇誠爲思不置
豈有天下君弗獲尊親至帝王起仄陋先世上廟謚
子官封贈親下逮士初試奈何諸君子拘牽欠精義
瞽瞍北面朝野人言近戲僂叔卽人臣難爲當宁地
獻王雖不存厥妃生所自母宜以予貴忍令相回避
守經不通權黨同斯伐異各存門戶見但報恩讐恣
激成搢紳禍讀史欲心悸始焉一不情流弊轉無忌

偶宗而配天逆祀且馴致遂令綱常紊冠履竟倒置
大典曰明倫來許詎足示蘿山首上書所論本平易
禮緣人情生未悖聖人意末流不可問初願亦未暨
江都不云乎正誼不謀利遐哉魯仲連力卻黃金遺

東海王廟

一隅蠶食併荆蠻餘燼收來共入關功是長沙王芮
亞跡非南海尉佗班驅蛇大澤孫謀遠

王句踐後逐
禹之胃也

鹿中原伯業艱它日遺民憑內徙不祧祠宇郡東山

一亭

佛過去佛未來紛紛野馬而塵埃一亭逾丈足容剎

借作周王避債臺

八句

來自章安去栢蒼去來真似打包忙
八句照影甌江碧領畧梅花一度香

午過石門夜泊煙雨樓

兩岸蟬聲不斷嘶清風吹過禦兒溪
初昏又樣鴛湖櫂驚起沙灘水鳥啼

九日陳山登高

陳山高比衆山高獨立蒼茫首重搔
海日逼雲棲古寺天風吹木響晴皋
鯨鯢何處藏鱗甲鴻雁成羣肅

羽毛壯士莫生搖落感巖城霜氣滿弓刀

對月夜懷張同年

若采

時令鎮番

明月似古人對月思良友吾友鍊京才雙鳬飛隴右
小邑倚長城羌渾雜黔首窮邊八九月凜冽氣龜手
風吹一片笳霜落千條柳官舍似穹廬澆愁酒一斗
君善飲旃裘短後衣耳熱想擊缶關山鴻雁稀瑤華託
誰某萬里共清光何時同翦韭

九言題慈竹居圖爲朱孝廉

爲弼

作

朱孝廉本桐鄉之右族大父爲兄株連繫蜀獄繫卅
七年始釋歸鄉曲殆眞烏頭變白馬生角去時子生

八齡不知哭依母高太夫人教之讀長補博士弟子
員入蜀省父歸來仍侍母饘鬻可憐白玉樓成召何
速遺黃口四又恃大母毓旅人刀鍛憂患餘年促

孝廉

大父後蒙恩釋歸
歸未數年卽捐館舍兩世伶仃孤苦巢幾覆孝廉長

徙當湖北郭屋屋前娛母森森數竿竹方山人寫慈
竹居一幅一時名流題詠如筍束孝廉博雅便便孝
先腹嘉慶辛酉嘉賓賦鳴鹿大母聞之稍伸兩眉蹙
春官試日心動駕鰲觥日薄西山徒令淚盈匆報劉
日短百身不能贖八十母生忉利天不跼順孫攀盡
庭前萬寒玉傳之志乘奚啻中壘錄孝廉之才定食

利不山會言書
太倉粟報母

龍章滴粉金花軸

假嘉興守

棠無蔽芾蔭當湖佐郡還來綰郡符便似逢場牽傀儡
偏可容依樣畫葫蘆歲豐未蓄三年食賦重休誇七
美圖嘉興七縣文風相亞異於它郡屬邑之不倫故有是稱最是輸將民力困
試看轉漕列千艘

讀司馬文正公傳家集

晚歲趨朝踐鼎司力更新法斷羣疑能生鄰敵邊人
畏豈止兒童走卒知齒少曾陪資聖會名高竟冠裳

人碑平生著作多經濟不是風雲月露詞

宋名相惟公著書最

多資治通鑑一書尤爲絕作

悼亡妻沈宜人

我生甫數齡卽締吳興媼吳興第三女最小掌上珍
三年余齒少五兩緇帛陳兩翁在嶺北同年又同寅
兩翁各謝世就壻以我貧明年攜之歸窮巷誰相親
龍具時對泣屢屢炊爲薪黽勉十三年我充鳴鹿賓
三試提春官通籍腰紆紳福薄忽病狂九閱秋與春
有姑不能事中饋如無人昨假嘉禾守俄爲鼓盆辰
到署僅兩日南至夜向晨末疾竟長逝此果是何因

寓棺蕭寺中魂兮誰爲鄰

梅花

府庭梅花三百樹花爲春遲寒勒住二月下旬初見
開一枝兩枝堆瓊瑰前年我假東甌郡繡線纔添臘
將近墨池老梅已作花一日兩度黃蜂衙今年二月
冰初泮十分梅花開未半地氣難教齊燠寒人情那
得無冰炭梅花有神花自知開早轉不如開遲遲開
所以能遲讌莫唱花閒懊惱詞

今春寒甚二月望後以事過煙雨樓初見柳色
寒到今春特地長負它一半好春光鶯鶯湖水乍生

綠楊柳樹芽纔吐黃敢以遨頭荒簿領且圖閨月衍
韶光黃門意緒無慘頓輸與鶯鶯燕燕忙

王貞婦陳氏詩

德清東鄉渭溪里王監生謨鰥有子續委禽陳謨忽
死陳女聞耗狂奔喪父母尼之命不行女入王家縗
爲裳爲王撫孤孤曰錫春桑飼蠶秋麻績苦雨愁風
恒戚戚未婚而嫠卅年餘含飴晚歲食蔗如

朝章寵逮旌厥閭誰其傳者駕部許

周生同
年作傳

齊女嫁

衛徵諸古風厲薄俗式衆嫠有樹有樹常菁菁暄悽
不改名女貞害弗植之陳女塋

三言詩爲蕭山汪氏雙節王徐兩太宜人作應

汪龍莊先生

輝祖屬

大義村雙節坊旌者疇厥氏汪汪少府性慨慷尉於
淇埏桐鄉雪冤獄垂空囊簞以徐繼室王徐有男蘭
國香汪有母弟不良引疾歸客五羊旅號咷命不長
凶耗聞魂飛揚魯婦髻稱未亾室幾毀卵未傷冥鏹
白冥鏹黃鬻於市供姑糗一匹布三斗糧店作伏機
九張子漸長教義方子就塾子游庠法家言縣政襄
積陰德浩无疆成進士宰湖湘祿弗逮悲露霜顙於
朝綽楔彰一統志書提綱句友朋徵詞章述苦節揚

潛光體各備事綦詳傳萬古播四荒江灝灝山蒼蒼
越女賢式兩孀

送陳守戎 廣寧 遷福建督標右營參帥

彎五石弓臂無力寫一字丁目不識龍韜豹韜物迺
何孫子吳子人其或而乃大纛與高牙鼓角轅門雄
列棘潁川公子生世家五千書卷填胸臆出羣狀貌
本魁梧與世周旋最謙抑諸父因勤左海忠爲後偏
登右班職借才捍海浙江潁竹捷金隄勞不息客年
同駐范公塘一輛羸車行得得 君往來海塘
坐一轎車 祕本巾
箱借我觀行厨珍饌從君食 君屢邀余飯行
厨烹飪甚精潔 數月之

別百里遙雙魚之遺六時憶鶯喬得遷良足喜驪路
將歌意難默雙旌飄飄仙霞開三山屹立無諸國荔
支丹向楓亭噉詩篇錄向麻沙刻它年開閭擁節旄
儒將能生褒鄂色河梁錄別情有餘南浦滄波浩無
極

東湖重復放生詩

有生必有死生樂而死惡何況加刀砧湯火魂飛赴
人物分蠢靈樂惡无異趣太古際榛狂血毛恣飲茹
燧人興烹飪鮮食不知去雖云庖厨遠終以肥脆饌
相沿不能革暴殄食單具一飯十萬錢無處可下箸

顯傷天地生陰觸鬼神怒戒殺佛理精愛物儒書據
東湖攸然亭記是弇州著苗裔忘其祖網罟孰能禦
贖歸清獻祠後有高侯舉湖還不放生初意毋迺忤
慈悲五君子黃君鳳吳君鼎燮吳君顯
德奚君泗哲吳君履曾易田橐裝醪
贖湖贖放生高義坡仙募種菱春湖朝采菱秋湖暮
湖菱歲以蕃湖鱗泳相聚生機所洋溢毓郊極毛羽
生意所充周釀和甘風雨無復鳴榔驚但愁新月誤
不須游濠梁爲誦依於句

還鄉硯歌

硯有銘有款爲李高士寒村故物高士上海

人僑於平湖所居曰放鵬亭徐大令春田自
蜀歸宅其故址會賈明經嘯軒適得是硯因
以贈徐而鐫還鄉硯三字於其眉并作長歌
紀其事一時和者甚夥輒爲效顰高士出處
詳曝書亭所撰塔銘今春田已歸道山矣

還鄉硯還鄉硯寒村高士文房玩有銘有款百餘年
曾閱滄桑石是田寒村家住申江上執戟援桴氣悲
壯礮車雪壓靖江城閉道麻鞋幸無恙脫歸避地柘
湖居肘後青囊架上書放鵬亭子臨流築洗硯池邊
墨餉魚一朝遺蛻東湖塔依稀誤認梅花衲蟾蜍清

淚滴誰家石不能言問誰答長頭得自竹溪農贈與
徐陵一畝宮爲是放鵬亭故址蕭閒未改百年風摩
挲錫以還鄉號蕉白青花潤非燥主人甫自蜀山歸
宦拙猶能誦古調我聞寒村有瓢有笠更有琴煙雲
過眼飛灰沈猶來不壞唯眞硯磨涅難移高士心

謁李介節先生陳山新祠

先生名天植字因仲明崇禎癸酉舉人家平
湖之乍浦入

國朝隱居陳山窮餓以沒年八十餘

新築祠堂傍翠微從今香火託緇衣身如處子何曾

嫁魂在空山得所依高節慣吟彭澤菊清風欲采墨
胎薇我來手刳寒泉薦料峭西風又落暉

九月十三日望江門外渡江水淺僅逾邾西興

輿夫多徒涉者

任昉行窩飯

飯於任惠堂郡丞奠庵寓次

錢江問渡舟風詩匏葉

苦節序菊花秋波岸沙方漲中流水可游越山疏雨
後深淺黛痕畱

望日自嵎至新昌

應接眞不暇名山數剡中風泉音激越雲岫石玲瓏
一點雁奴白幾株鷓舅紅今宵好明月秋滿浙江東

新昌行館

秋樹醉初斑
秋雲鶴共閒
屋居溪隴裏
人在畫圖間
短榻臥明月
孤城圍亂山
來朝台嶽近
寒瀑聽潺潺
過天台宿書院中卽邑人齊侍郎

召南

故宅也

感而賦此

侍郎遺宅近城阿
小劫華嚴一刹那
我聽秋聲眠北壁
公如春夢醒東坡
天台仙洞桃花少
百姓人家燕子多
悟得蓮廬皆傳舍
九京何必戀行窩

宋謝太后台人也

宋謝

北騎烽煙逼東朝
涕淚濺可憐
謝庭樹不及孟家蟬

二帝方航海三宮竟入燕僉名降表日淒斷水雲弦

賈似道天台人也

清溪溪水碧于油傳說平章此釣游曾忝掖庭稱外

戚

理宗寵妃賈氏似道從妹

也登科目附名流

中嘉禧二年周坦榜進士

胡廬

書畫紅泥印

名蹟鈴以悅生二字胡廬印

蟋蟀湖山白羽秋得好

休時休不得果然結子在緜州

田汝成幽怪錄賈母設齋一道士齋畢覆

鉢而去中有句云得好休時便好休收花結子在緜州

登四照樓

學使行臺四照樓文昌擁傳此句畱驚心食葉蠶聲

厲放眼銜蘆雁陣迢雉堞壓山能障日

樓後山城虬松

繞院最禁秋凭闌一望滄溟遠莽莽鯨鯢氣未收

從黃巖回隔河望郡城巾子山

一道河流日兩潮連舟鐵索駕浮橋樓臺半嶺多蘭
若煙火千家繞麗譙愛日滿輿暉藹藹凌雲叢篠影
蕭蕭此間儘有溪山勝兩刹靈圖覓建標

巾子山頂兩歧各有

一塔

東兩郡庠沈教授

焯

高司訓

家驥

橫舍東西各一廛二人蘭臭本齊年

皆領丙午鄉薦

儒林合

傳成通隱彌勒同龕好證禪薄宦畧如雞肋味佳文
能仿馬蹄篇寒瑣莫嘆多岑寂假守胸中飽渭川

得乍浦家書知妾舉一雄

束髮授葩經斯干詠似續我生嘆鮮民和乏墮簏屬
齒豁髮亦皤顧影傷予昨秋置衾禰幸兆太人卜
老親盼含飴日夕瓣香祝喜茲月嘉平側室已誕育
竟叶占熊羆尙斬比蘭玉遍告親朋知有子萬事足

多謝

次人

多謝親知尺一書紛紛吉語賀充閭人於此事尋常
甚我已行年五十餘祝爾長成稀疾病它時經訓冀
菑畬莫嫌宦拙無餘橐尙有牙籤插架儲

桂撫張菊溪先生任黔方伯時以懷西湖十詠

墨刻寄示藏行笥中將一年矣獻歲稍暇出
而讀之遂次其韻

杭州西郭外隔岸好山多雲向春空
靄泉聽夜雨過
尋僧還杖策偕友共捫蘿
眉嫵懷西子臨流染翠螺
山

四圍堆翠髻十頃滙春泉
彼岸皆蘭若中流又畫船
盟心徵澹定照影愛清漣
寄語兒童輩休將瓦礫捐
水

縹緲原無定綢繆似欲流
蒸成三竺雨貯作一囊秋
野鶴閑爲伴征鴻影共畱
山南又山北藹藹最高樓

雲

黑雲翻墨似頓失兩高峯
篙未添三尺泉應響百重
催將春草茁開到杏花濃
煙艇仍垂釣漁簑我不慵
雨

水月相涵處清光倍覺多
豈徒三太白直欲百東坡
玉宇寒難耐冰壺皎若何
南屏曉鐘動把酒尙高歌
月

酒力消何易詩情斗覺饒
紅鑪煨楮柑紺字化瓊瑤
只恐遲梅孕欣看閨麥茁
時晴尤足快一訪段家橋
雪

爲聽新鶯去攜柑到水瀕禁煙三月節飛絮六橋春
渡口桃花豔山腰碧草勻離情託風笛攀折贈行人
柳

水邊籬落外隱約又橫斜數點疏難畫孤山近可家
每於微雪後彌覺暗香加千古林和靖清風尙未遐
梅

六時聲不斷梵唱聽依稀佛地看金布仙人坐白衣
見蘇文忠公天竺
靈感觀音院詩勝情山獨占奇事石能飛細雨南

朝句還思杜紫微

寺

湧金門外岸買得總宜船淺水蘋花畔輕風柳葉邊

祇憑孤槩撥不見一帆懸載酒逢佳日鷗波儘近沿
舫

錢武肅王鐵券

言渡西興埭來假台州守藉觀錢王券藏在嶺下冑
函以紫檀琬韜之古錦曰肖形仿鱗瓦鎔冶覓精鑲
廉隅露圭角內外乏好肉圓將半槩截彎比大弔穀
廣尺八寸強修尺一寸又二千銖弱重重三百廿二兩十分

寸一厚紀元維乾寧虛號先天祐四年仲秋月四日
丁未晝帝曰咨爾繆績冠藩侯懋彭城郡王封勲官
皆依舊如帶如礪要三死九死宥用頒示天下史官

迺錄副三百卅三名一一可句設摛詞以駢儷落筆
非篆籀典重侔訓誥波磔殊响嶮屑彼黃金填賚爾
圭瓚侑旨想東廳承文出北扉構平章都堂押中使
行人授永維後嗣保不作懷光投勛書太常銘誓言
茅土醕容恕雖倖邀慈愛傷敢狃聖主萬歲臨愚臣
一心訓時唐實季世光岳勢紛糅鯨吞而突豕瓜分
亦區豆中原鼎沸魚大盜木升猱背則怒相攻向則
連相救異人臨水里間氣天目甯紅光映池波兵聲
囂井甃幾將平林翼殆欲於擇穀厥考鯁鯁驚阿婆
婉轉畱依樹殊凡兒坐石揮衆幼圖緯旣畧通槩射

實卽酒販鹽頗剽掠拔樹適窆柩雲成龍虎文氣應
斗牛宿照石忽戴旒臨戎或免胄剿剗從軍初鏖巢
勁卒蹂勝兵二十奇列屯八百謬四鄰不敢陵八都
咸善鬪蔽星月潛渡邇江沙吞祝戮劉踐厥妖誅孟
發其覆興元敕授杭會稽地近鄞待錢謠譏奇運甓
勤劬售圓木代曲肱銅丸警刻漏足弭強鄰伺能令
諸將揉一江拆聞邾三足烏何轂聖人青草祥兔子
金牀逗羅平國號乖順天印文繆狐鳴滿社譁狗腳
閉門詢舊帥移書規大義草疏首五雲已落膽重日
徒遺臭二州府東西兩軍江左右眞王不睡龍南都

表靈鷲形亦凌煙圖絲勝平原繡西塋廡滿駒東溟
帆張鰲崢嶸樹錦榮爛漫陌花茂鐵弩潮可迴銀光
面非皴三節三樓崇金尊玉尊耐五百年譏記十四
州廣表貞珉年號存海舶珍奇賀崇高在鄉閭英雄
得老壽四傳家克承五年位如就藩禮事中原民生
免僛僛呼兕真主興騎驢處士踣六位乘飛龍羣雄
儕困獸漸還一統規聿肇太平宙王爲佐命臣如覲
中宮后屈節救生靈納土亦恂恂淮海封初徙禮賢
宅非陋開疆江東孫入朝河西寶盡爾我一生保三
黨貴富家王故事編吳越備史紬東都帝室甥南渡

天王狩五馬駐三台左魚影一綬言承版輿歡爰築
循陔囿遷喬百年長育姜五世繇海運徙鯤鵬林焚
窺獫狁謠聽白雁翎運盡朱鳥噉楚弓失難求泗鼎
淪誰收匆匆兩甲子忽忽幾昏晝澤庫波縈洄漁人
目矇瞶舉網重難勝磨斧輕以斲完璧非碎斗折角
等注炎千斤金不需十斛穀有購明祖策勛初犁眉
借觀偶依樣飭上方贈詩滿袞袖蘇碑已剝蝕沁園
又薪樵器守雲仍縣塵舞蓬萊驟家風守耕耘餘子
冀孝秀傍嶺遺苗繇

土人稱爲
嶺下錢

熙朝

昌運邁

純皇昔時巡尙書敬進奏

嘉興錢文端公陳羣

倬漢

雲章旣燭天

奎畫復

褒題荷寵榮奉藏闕堂廟鰥生聞見隘古物摩挲輿
岑無贗鼎謀鐵欲粧賓筵復瞻五圖像豐碩不臞瘦
粉侯乃禁嚮簪鼓美瑩琇白岳震自起海嶠輻不湊
仰惟保障勛陰德宜昌後

堦徐琳森玉

男華清正之

同校

稻香吟館詩藁

卷四

七

稻香吟館詩藁卷四終